



Fémlí Maramari arde Pathnár ór Víza

Manúic ókkol zará Pathnár vízar uore asé taráttu Australíat hórafsólluki ríctha lói táka no foribóu.

Australíat, fémlí arde góror bútoror maramari ré kobul gorá no zaibóu.

Tuáñr vízar háalot óre pathnár uggwá, fémlí membór ókkol, yá cómaj ot aséde oinno maincé dómki di no faribóu.

Zodi tuñí tooitta Pathnár víza uggwá dóro (bágíkláss 309 yá 820) yá uggwá Mumkini Biyár víza (bágíkláss300) ar fémlí maramari tojruba foo ar tuáñr ríctha fúrai giyói, Australíar híjorot or kaanun ókkol ót corót ókkol asé, tuáñr abadulabad Pathnár víza (bágíkláss 100 yá 801) dorhás gorá zari rakítóu ejazot dibellá.

Zodi tuñí yá tuñí zanodé honíkka hótarat táke **000** nombór ót fulic dhako.

Australíar fulic héfazot óla ar biccác gorífare.

Maana, húfia mocuware gorá arde maalumát ókkol ólla 1800RESPECT óre dhako **1800 737 732** nombór ót.

Zodi tuáñrtu maana torjuma goróya ekzon lage **131 450** ot dhako.

Australíar Hókumot (Australian Government) e fémlí arde góror bútoror maramari ré zehonó háalot ókkol ót bordac nogoré.

Fémlí arde góror bútoror maramari ókkol kaanun or uldha jurúm. Górot yá fémlir bútoore maramari goréde manúic uggwá ziyól ót zaifare, tará uggwá beça óuk yá beçi óuk.

Fémlí yá góror bútoror maramari óilde bebaár yá dómki ókkol ziyán é pathnár uggwá ré héfazot yá bálaiyi 'llá dhor gólai diyóre konthróul goríbélla niyot goré.

Australíat fémlí arde góror bútoror maramari tojruba gorérde zehoníkka modot or hédmot ókkol óttu modot háñsil gorífare.

Tuñí modot fai faribá tuáñr víza yá immigiricén háalot zendila óibou óuk.

Ríctha hótom óigiyói yá nóo honó hotá náí – tuñí aijó modot háñsil gorí faribá.

1800RESPECT óilde Australíar Koumi Jíns ór Hámla, Fémlí arde Góror bútoror Maramarir Mocuwarar hédmot (Australia's national sexual assault, family and domestic violence counselling service). Yían é kúfia telifún ar onláin mocuware arde maalumát ókkol maana de. Mocuware douya ókkol é tuáñr hotá fúnibou, súal ókkol ór zuab díbou ar tuáñr mahállí zagat aséde oinno modot or hédmot ókkol ór éçe háwala gorí faribóu.

1800 737 732 nombór ót dhako yá **1800RESPECT** wébsáith www.1800RESPECT.org.au ot zo.

Tuáñrtu torjuma goróya ekzon lagibóu né?

Torjuma arde Hotá báñgidiyar Hédmot (Translating and Interpreting Service) ot koól goró (TIS)

131 450 nombór ót. TIS óttu hotá báñgidouya ekzon e tuáñre modot gorí faribóu oinno hédmot ókkol lói taaluk goríbélla, mogor TIS é mocuware diya nogoré. Koól beggún maana ar gufoniya.

Fémlí maramarir uore aró maalumát ókkol if tuáñrtu visa uggwá táke:

Fémlí maramari arde vízar baabote aró maalumát óilde **Góror Maamela ókkol ór Dipáthmén (Department of Home Affairs)** ór uore wébsáith www.homeaffairs.gov.au ót.